

CLASSIS XIV.

DIDYNAMIA.

I. GYMNOSPERMIA.

TEUCRIUM.

32. TEUCRIUM *spinofum* calycis labio superiore ovato, corolla contorta retupinata.

Chamædryis multifida spinosa odorata. Griseb. virid. 28. Tournef. inst. 205.

Habitat in agris incultis & collibus cis fote Luzon Madriti.

Radix descendens, annua, subtortuosa, simplex.

Caulis ramosissimus, brachiatus, decumbens, ramis & ramulis patentissimis, rigidis, quadrangularibus, hirsutis, subviscidis.

Spina oppositæ, rigidæ, subulatæ: primores tempore ramulescunt apice spinoso; seniores permanent simplices.

Folia inferiora caulina oblonga, petiolata, incisa, interdum pinnatifida, pubescentia, mollia: *superiora* opposita, sub spinis ovata, acuta vel suboblonga, obrusa, integerrima, rarius incisura una vel altera parva inferius notata.

Flores verticillati ad spinas, pedicellati, horizontales.

Pedicelli erecti, cauli adpressi, calyce dimidio breviores; singulus utrinque affixus lateraliter spinæ; hinc singulo verticillo plerumque quatuor flores.

Bracteola sub singulo flore parva, oblonga.

CAL. *Perianthium* monophyllum, basi inferius gibbum ventricosum, superiore basi planiusculum cum gibbere parvo ubi pedicellus affigitur, bilabiatum: *Labium superius* subrotundo-ovatum, acuminatum, extus concavum ob margines elevatos, intus convexum. *Labium inferius* quadrifidum, superiore dimidio brevius: laciniis setaceis; persistens, piloso-viscidum.